

F 171
1945

უზანო

საქართველოს სსრ განათლების
სახალხო კომისარიატის ბრძა-
ნებითა და განკარგულებათა

პრეზუმი

წელიწადი მერვე

№ 12	Сборник приказов и Распоряжений НКПроса Груз. ССР	1945 წ.
------	------------------------------------------------------	---------

შინაარსი

1. ბრძანება № 3095—დაწყებითი, შვიდწლიანი და საშუალო სკო-
ლებში საზამთრო არდადეგებისა და მასწავლებელთა საქალაქო
და რაიონული მეთოდური თათბირების ჩატარების შესახებ . . . 2 გვ.
2. დადგენილება № 761—საქ. სახკომსაბჭოსი—საშუალო სკოლის
კურსდამთავრებულთათვის სიმწიფის ატესტატის ნიმუშების შე-
სახებ 4 "
3. დებულება—წარჩინებული სწავლისა და სამაგალითო ყოფა-
ქცევისათვის ოქროსა და ვერცხლის მედლების შესახებ 5 "
4. სიმწიფის ატესტატი (ნიმუში) 6 "
5. ტიპიური შინაგანაწესი საბავშვო სახლების მუშაკთათვის . . . 7 "
6. ინსტრუქცია—სახელმწ. პედაგოგიური სასწავლებლის დასამთავ-
რებელ გამოცდის ექსტერნად ჩაბარების და პედმინიმუმის
შესახებ 24 "

008
F

საქართველოს სსრ განათლების სახალხო კომისარიატისადმი

1945 წ. 6 დეკემბერი

დაწყებითი, შვიდწლიანი და საშუალო სკოლებში საჯამთრო არდადეგებისა და სასწავლებელთა საქალაქო და რაიონული მეთოდური თათბირების ჩატარების შესახებ

ვბრძანებ:

1. დაწყებითი, შვიდწლიანი და საშუალო სკოლების I-X კლასებში საჯამთრო არდადეგები ჩატარდეს 27 დეკემბრიდან 10 იანვრამდე, სასწავლო მეცადინეობა კლასებში შეწყდეს 29 დეკემბერს, გაკვეთილების შემდეგ და განახლდეს 1946 წლის 10 იანვარს.

2. განათლების განყოფილებათა გამგეებმა, დაწყებითი, შვიდწლიანი და საშუალო სკოლების დირექტორებმა (გამგეებმა) არდადეგების პერიოდში მოსწავლეთათვის კულტურული დასვენებისა და ჯანსაღი გართობის უზრუნველყოფის მიზნით:

ა) სკოლებში მოაწყონ ბავშვთა სამხედრო თამაშობანი, ლაშქრობანი, სამხედრო შეჯიბრებანი და სხვა;

ბ) დაამყარონ კავშირი სანახაობათა დაწესებულებების ხელმძღვანელებთან და მოაწყონ კინოებსა და თეატრებში მოსწავლეთა კოლექტიური სვლა;

გ) თვით სკოლებში, პიონერთა და მოსწავლეთა კლუბებში მოაწყონ მხატვრული თვითშემოქმედების დილა-სალამოები, რომლებზედაც დემონსტრირებული იქნეს სამამულო ომის გმირთა თავდადებული ბრძოლის ამსახველი ეპიზოდები, წაკითხული იქნეს პატრიოტული ხასიათის მოთხრობები და ლექსები სადაც ეს მოსახერხებელია, მოეწყოს ბავშვთა გუნდების გამოსვლები.

3. ნება დაერთოს განათლების განყოფილებათა გამგეებს მთავარ ქალაქებსა და რაიონულ ცენტრებში ჩაატარონ მეთე კლასების მოსწავლეთა შეკრებანი. ამ შეკრებაზე განიხილონ სიმწიფის ატესტატზე გამოცდებისათვის სამზადისისა და სავამოცდო საგნებში გავლილი მასალის განმეორების საკითხები და დასახონ კონკრეტული ღონისძიებანი.

4. რესპუბლიკის ყველა რაიონსა და ქალაქში 1946 წლის 3 იანვარს ჩატარდეს მოსწავლეებელთა ერთდღიანი სარაიონო და საქალაქო თათბირები. თათბირებზე განხილული იქნეს ერთი საკითხი

—სასწავლო წლის პირველი ნახევრის შედეგები და სკოლების ამო-
ცანები.

ამ საკითხზე მოსენება გააკეთოს განათლების განყოფილების
გამგემ. მომხსენებელმა დეტალურად უნდა გააშუქოს სასწავლო წლის
1-ლ ნახევარში სკოლების მიერ ჩატარებული მუშაობის ყოველი
მხარე, გამოავლინოს ცალკე მიღწევები და ნაკლი, განსაკუთრებით
გამახვილოს მასწავლებელთა ყურადღება სასწავლო მასალის განმეო-
რების საკითხებზე. სასწავლო პროგრამებით გათვალისწინებული
კურსის მტკიცედ, ღრმად და საფუძვლიანად შესწავლისა და გამეო-
რების საქმის შესაფერად მოწესრიგების მიზნით, მოხსენების შემდეგ
მიღებული უნდა იქნეს კონკრეტული ღონისძიებანი.

5. საქართველოს სსრ განსახკომის დაწყებითი და საშუალო
სკოლის სამმართველომ უზრუნველჰყოს ცალკე საგნებში გავლილი
მასალის განმეორების შესახებ მითითებების დაბეჭდვა და 25 დეკემ-
ბრამდე ადგილებზე დაგზავნა.

საქართველოს სსრ განათლების სახალხო

კომისარი **მ. კუპრაძე.**

დადგენილება № 761

საქართველოს სსრ სახალხო კომისართა საბჭოსი

საქართველოს სსრ საშუალო სკოლის კურსდამთავრებულ-
თათვის სიმწიფის ატესტატის ნიმუშების შესახებ

ოქროსა და ვერცხლის მედლების დებულების და საშუალო
სკოლის კურსდამთავრებულთათვის სიმწიფის ატესტატის ნიმუშის შე-
სახებ სსრკ სახალხო კომისართა საბჭოს 1945 წლის 30 მაისის დად-
გენილების შესაბამისად საქართველოს სსრ სახალხო კომისართა
საბჭო ადგენს:

1. დამტკიცდეს საქართველოს სსრ საშუალო სკოლის კურსდამ-
თავრებულთათვის სიმწიფის ატესტატის ნიმუში და განსაკუთრებუ-
ლი ატესტატის ნიმუშები ოქროსა და ვერცხლის მედალზე (თან
ერთვის).

2. დაევალოს საქართველოს სსრ განათლების სახალხო კომი-
სარიატს საშუალო სკოლის კურსდამთავრებულთა ოქროსა და ვერ-
ცხლის მედლით დაჯილდოებისას იხელმძღვანელოს სსრკ სახკომ-
საბჭოს 1945 წლის 30 მაისის დადგენილებით და თანდართული დე-
ბულებით „ოქროსა და ვერცხლის მედლის შესახებ“ წარჩინებულ
სწავლისა და სამაგალითო ყოფაქცევისათვის.

საქართველოს სსრ სახალხო კომისართა

საბჭოს თავმჯდომარე **3. ბაჭრაძე.**

საქართველოს სსრ სახალხო კომისართა საბჭოს

საქმეთა მმართველი **ხ. როსტიაშვილი.**

1945 წლის 16 ივნისი.

რ ე ბ უ ლ ე ბ ა

„წარჩინებული სწავლისა და სამაგალითო ყოფაქცევისათვის“ ოქროსა და ვერცხლის მედლების შესახებ

1. ოქროს მედლით „წარჩინებული სწავლისა და სამაგალითო ყოფაქცევისათვის“ დაჯილდოვდებიან ის პირები, რომლებმაც სიმწიფის ატესტატზე გამოცდების ჩაბარებისას გამოიჩინეს განსაკუთრებული წარმატება და აქვთ სამაგალითო ყოფაქცევა და შეფასება „5“ საშუალო სკოლის სასწავლო გეგმით გათვალისწინებულ ყველა ძირითად საგანში.

2. ვერცხლის მედლით „წარჩინებული სწავლისა და სანიმუშო ყოფაქცევისათვის“ ჯილდოვდებიან ის მოსწავლეები, რომლებიც სიმწიფის ატესტატზე გამოცდების ჩაბარებისას გამოიჩინენ საუკეთესო წარმატებას, სამაგალითო ყოფაქცევისა არიან და სასწავლო გეგმით გათვალისწინებულ ყველა ძირითად საგანში, გარდა სამისა, რომლებშიც უნდა ჰქონდეთ ნიშანი არანაკლებ „4“-სა. მიიღებენ „5“-ს; ამ სამი საგნის რიცხვში არ შეიძლება შედიოდეს მშობლიური ენა და ლიტერატურა.

3. ოქროსა და ვერცხლის მედალს „წარჩინებული სწავლის და სამაგალითო ყოფაქცევისათვის“, სკოლის პედაგოგიური საბჭოს წარდგენით, ანაქებენ საოლქო, სამხარეო განათლების განყოფილებები, ავტონომიური რესპუბლიკების განათლების სახალხო კომისარიატები და იმ მოკავშირე რესპუბლიკათა განათლების სახალხო კომისარიატები, რომელთაც არა აქვთ საოლქო დაყოფა.

მედალი, განსაკუთრებული სახის სიმწიფის ატესტატთან ერთად, სკოლის დირექტორის მიერ გადაეცემათ დაჯილდოებულებს გამოსაშვები გამოცდების დამთავრებისას სახეიმო აქტზე.

4. „წარჩინებული სწავლისა და სამაგალითო ყოფაქცევისათვის“ ოქროსა და ვერცხლის მედლებით დაჯილდოებულ პირებს უფლება აქვთ უგამოცდოდ შევიდნენ სსრ კავშირის უმაღლეს სასწავლებლებში. ამასთან, პირველ რიგში მიიღებიან ოქროს მედლით დაჯილდოებულები, ხოლო შემდეგ—ვერცხლის მედლით დაჯილდოებულები.

საქართველოს სსრ განათლების სახალხო კომისარიატი
 სიმწიფის აბსტატი

მიეცა ესე ატესტატი დაბადებულს
 19 წლის ში მასზე, რომ ის 19 წელს შე-
 ეიდა საშუალო სკოლაში, დაამთავრა ამ სკოლის სრული
 კურსი სამაგალითო ყოფაქცევით და საგნებში გამოიჩინა შემდეგი
 წარმატება:

ქართული ენა	მსოფლიო ისტორია
ქართული ლიტერატურა	საქართველოს ისტორია
რუსული ენა	სსრკ და საქართველოს სსრ
რუსული ლიტერატურა	კონსტიტუცია
ალგებრა	გეოგრაფია
გეომეტრია	ფიზიკა
ტრიგონომეტრია	ასტრონომია
ბუნებისმეტყველება	ქიმია
სსრ კავშირის ისტორია	უცხო (. . .)ენა

„სკოლაში სწავლების ხარისხის გაუმჯობესების ღონისძიებათა
 შესახებ“ სსრ კავშირის სახალხო კომისართა საბჭოს 1944 წლის 21
 ივნისის № 750 დადგენილების საფუძველზე დაჯილდოე-
 ბულია ოქროს მედლით.

„წარჩინებული სწავლისა და სამაგალითო ყოფაქცევისათვის“
 ოქროსა და ვერცხლის მედლების მინიჭების შესახებ სსრ კავშირის
 სახალხო კომისართა საბჭოს მიერ 1945 წლის 30 მაისს დამტკიცე-
 ბული დებულების § 4 თანახმად ამ ატესტატის მფლობელს უფლე-
 ბა აქვს უგამოცოდოდ შევიდეს სსრ კავშირის უმაღლეს სასწავლე-
 ბლებში.

სკოლის დირექტორი:
 დირექტორის მოადგილე სასწავლო ნაწილში:
 მასწავლებლები:

გაცემულია 19 წლის „“
 № ს წ ო რ ი ა:

ზივიუკი შინაგანაწესი

საქ. სსრ განათლების სახალხო კომისარიატის საბავშვო სას-
ლელის მუშაკთათვის

I. საერთო დებულებანი.

1. შრომა საბჭოთა კავშირში წარმოადგენს საამაყო და სასახე-
ლო საქმეს, საგმირო საქმეს.

მუშათა და მოსამსახურეთა შორის დისციპლინა საბჭოთა კავშირ-
ში დამყარებულია შრომისადმი შეგნებულ დამოკიდებულებაზე, და-
კისრებული შრომითი მოვალეობის პატიოსნად, კეთილსინდისიერად
და დროულად შესრულებაზე. მუშაკის ჭასუხისმგებლობითი დამო-
კიდებულებას შრომისადმი კიდევ უფრო მეტი მნიშვნელობა ენიჭება
დიდი სამამულო ომის პირობებში.

2. შინაგანაწესი მიზნად ისახავს საბავშვო სახლში თითოეული
მუშაკის მიერ მტკიცე რეჟიმის, შეგნებული დისციპლინის, სრული
წესრიგის დამყარებას და სასწავლო-სააღმზრდელო მუშაობის სა-
თანადო სიმალლეზე დაყენებას.

3. ეს შინაგანაწესი ტიპიურია სსსრ განსახკომის ყველა სასკო-
ლო და სკოლამდელი საბავშვო სახლებისათვის.

4. მოცემული ტიპური წესების საფუძველზე საბავშვო სახლის
დირექტორი ადგენს თავისი დაწესებულების შინაგანაწესს. საბავშვო
სახლის მუშაობის პირობების შესაბამისად.

საბავშვო სახლის შინაგანაწესი უთანხმდება ადგილობრივ პრო-
ფორგანიზაციას.

5. საბავშვო სახლის დირექტორისა და ადგილკომის თავმჯდო-
მარის მიერ ხელმოწერილი და შრომის ინსპექტორის მიერ დამტ-
კიცებული შინაგანაწესი თითოეულ საბავშვო სახლში გამოიკვრის
თვალსაჩინო ადგილას.

6. შინაგანაწესი სავალდებულოა საბავშვო სახლის ყველა მუ-
შაკთათვის

7. შინაგანაწესის დარღვევა ან შეუსრულებლობა იწვევს სათა-
ნადო სასჯელის დადებას, რაც გათვალისწინებულია მოცემული ტი-
პური შინაგანაწესის მე-4 ნაწილში.

8. საბავშვო სახლის ვერცერთი მუშაკი ვერ გაიმართლებს თავს
შინაგანაწესის არცოდნით.

9. ახალი მომუშავეს მიღებისას ან თანამშრომლის ერთი სამუშაო-

დან მეორეზე გადაყვანისას საბავშვო სახლის ადმინისტრაცია ვალდებულია თითოეულ მათგანს განუმარტოს მუშაობის წესი და გააცნოს საბავშვო სახლის შინაგანაწესი.

10. საბავშვო სახლის ადმინისტრაცია ვალდებულია:

ა) სწორად განაწილოს საბავშვო სახლის მუშაკთა შრომა მათი სპეციალობისა და კვალიფიკაციის მიხედვით;

ბ) უზრუნველყოს მუშაკთა დროულად მომარაგება სასწავლო ნივთებით, ინვენტარით, ხელსაწყოებითა და მუშაობისათვის საჭირო სხვა მასალით;

გ) დაიცვას კანონები და წესები შრომის დაცვის, სამუშაო დროის, დასვენების;

დ) სისტემატურად გაატაროს ღონისძიებანი შრომის დისციპლინის განმტკიცებისა და სათანადო პირობების შექმნისათვის შრომის ხარისხის ასამაღლებლად (მუშაკებისადმი ხელის შეწყობა კულტურულ-საყოფაცხოვრებო პირობების გაუმჯობესებაში);

ე) მხედველობაში მიიღოს და ცხოვრებაში გაატაროს მუშაკთა რაციონალიზატორული წინადადებანი, რაც მიმართული იქნება საბავშვო სახლის მუშაობის გაუმჯობესებისაკენ.

11. გაუპიროვნების თავიდან ასაცილებლად საბავშვო სახლის თითოეულ მუშაკს უნდა ჰქონდეს თავისი სამუშაო ადგილი. ჩაბარდეს ინვენტარი და მოწყობილობა, რაც მისთვის საჭიროა და პასუხისმგებელი იყოს ჩაბარებული ქონების მოვლა-დაცვისათვის.

II. საბავშვო სახლის მუშაკთა მიღებისა და დათხოვნის წესი

12. საბავშვო სახლის დირექტორს, დირექტორის მოადგილეს სასწავლო-სააღმზრდელო დარგში, აღმზრდელებს და შრომის ინსტრუქტორს ნიშნავს, ანთავისუფლებს საქართველოს სსრ განათლების სახალხო კომისარიატი, აჭარისა და აფხაზეთის ავტონომიურ რესპუბლიკებში მათი განათლების სახალხო კომისარიატები კუთვნილებისამებრ, სამხრეთ-ოსეთის ავტ. ოლქში კი — განათლების საოლქო განყოფილება.

13. ექიმს და ექიმის თანამემწეს ნიშნავს და ანთავისუფლებს ჯანმრთელობის განყოფილება.

14. საბავშვო სახლის ბუხჰალტერს იმ საბავშვო სახლებში, რომლებიც სახელმწიფო ბიუჯეტზე იმყოფებიან, ნიშნავს და ანთავისუფლებს საქ. სსრ განათლების სახალხო კომისარიატი, ხოლო აჭარისა და აფხაზეთის ავტ. სს რესპუბლიკებში მათი განათლების

სახალხო კომისარიატი კუთვნილებისამებრ, სამხრეთ-ოსეთის ავტონომიურ ოლქში—კი განათლების საოლქო განყოფილება. იმ საბავშვო სახლებში, რომლებიც ადგილობრივ ბიუჯეტზე იმყოფებიან, ბუხპალტერს ნიშნავს და ანთავისუფლებს რაიონის განათლების განყოფილება.

15. სამნეო ნაწილის გამგეს იმ საბავშვო სახლებში, რომლებიც სახელმწიფო ბიუჯეტზე იმყოფებიან, ნიშნავს და ანთავისუფლებს საბავშვო სახლის დირექტორი განსახკომთან შეთანხმებით, ხოლო იმ საბავშვო სახლებში, რომლებიც ადგილობრივ ბიუჯეტზე იმყოფებიან, რაიონის განათლების განყოფილება.

16. განსახკომის მიერ დანიშნული პირი ადგილზე გამოცხადებისას ვალდებულია წარუდგინოს განათლების განყოფილებას და საბავშვო სახლის დირექტორს შემდეგი საბუთები: განსახკომის ბრძანება დანიშვნის შესახებ, შრომის წიგნაკი, განათლების მუშაობისა და სტაჟის საბუთები.

17. საბავშვო სახლის სხვა მუშაკებს და ტექნიკურ პერსონალს ნიშნავს და ანთავისუფლებს საბავშვო სახლის დირექტორი.

18. საბავშვო სახლის დირექტორს ახალი თანამშრომლების მიღება შეუძლია მხოლოდ იმ შემთხვევაში, თუ მისაღები პირი წარუდგენს მას შრომის წიგნაკსა და პასპორტს ან დროებით მოწმობას.

19. ის პირნი, რომლებიც პირველად იწყებენ მუშაობას, ვალდებული არიან შრომის წიგნაკის ნაცვლად წარმოადგინონ სახლმმართველობის ან სოფლის საბჭოს ცნობა მათი უკანასკნელი საქმიანობის შესახებ.

20. იმ პირებზე, რომლებიც პირველად იწყებენ მუშაობას, საბავშვო სახლმა შრომის წიგნაკები უნდა შეავსოს არა უგვიანეს ხუთი დღისა მათი სამუშაოზე მიღებიდან.

საბავშვო სახლის ყველა მუშაკის შრომის წიგნაკებს ინახავს საბავშვო სახლის ადმინისტრაცია ცენტრგამძლე (უწყვი) შკაფში ან ყუთში. მუშაკის განთავისუფლებისას კი წიგნაკი მას ეძლევა ხელზე.

21. საბავშვო სახლში შეთავსებით მომუშავე პირთა შრომის წიგნაკები ინახება იქ, სადაც ისინი ძირითადად მუშაობენ.

22. საბავშვო სახლის თითოეულ მუშაკზე დღიდან მისი სამუშაოზე მიღებისა უნდა შესდგეს პირადი საქმე.

პირად საქმეში შედის შემდეგი საბუთები: მიღებული განათლების დამამტკიცებელი საბუთი ან მისი ასლი, სანოტარო კანტორის

მიერ დამოწმებული, ბრძანება მუშაკის საბავშვო სახლში დანიშნვის შესახებ, ავტობიოგრაფია, სააღრიცხვო ბარათი, ბრძანება ან დადგენილება მადლობის გამოცხადების, ან სასჯელის დადების შესახებ და ცნობები მუშაობის სტაჟის შესახებ. სახელმწიფო ბიუჯეტზე მყოფ საბავშვო სახლის ყველა მუშაკის პირადი საქმე ინახება თვით საბავშვო სახლში. ადგილობრივ ბიუჯეტზე მყოფ საბავშვო სახლის დირექტორის მოადგილის, ბუხჰალტერის, აღმზრდელ-მასწავლებლების და სამნეო ნაწილის გამგის პირადი საქმეები ინახება განათლების განყოფილებაში. დანარჩენი მუშაკების პირადი საქმეები კი ინახება თვით საბავშვო სახლში.

23. აკრძალულია მუშაკის თვითნებურად წასვლა საბავშვო სახლიდან, აგრეთვე თვითნებურად გადასვლა საბავშვო სახლიდან სხვა დაწესებულებაში თუ საწარმოოში.

24. პედმუშაკების მიღება-განთავისუფლებას საბავშვო სახლის დირექტორი აფორმებს განსახკომის ბრძანებათა საფუძველზე. მიღება-განთავისუფლება ჩაიწერება ბრძანების წიგნში და შრომის წიგნაკში.

III. შრომითი ბანაწესი საბავშვო სახლში და მუშაკთა მოვალეობანი.

25. მუშაობის დაწყების, დამთავრების და შესვენების (სადილის მისაღებად) დროდ წესდება:

მუშაობის დაწყება I წყება
 II წყება III წყება შესვენება მუშაობის დამთავრება

26. თითოეული თანამშრომელი მუშაობს საბავშვო სახლის დირექტორის მიერ შემუშავებულ და ადგილკომთან შეთანხმებული ცხრილის მიხედვით თანამშრომლის მოვალეობათა და საბავშვო სახლის რეჟიმის შესაბამისად. მუშაობის ცხრილი დროულად მზადდება, თითოეულ თანამშრომელს გამოეცხადება ხელწერილ ქვეშ და გამოიკვრის თვალსაჩინო ადგილზე.

27. საბავშვო სახლის დირექტორი ვალდებულია უზრუნველჰყოს თანამშრომელთა სამუშაოზე გამოცხადების და სამუშაოდან გასვლის ზუსტი რეგისტრაცია.

როგორც გამოცხადება, ისე წასვლა, აღინიშნება სათანადო წიგნში, რომლის წარმოება და შენახვა დაეკისრება საბავშვო სახლის პასუხისმგებელ პირს, გამოყოფილს საბავშვო სახლის დირექტორის ბრძანებით.

28. სამუშაო დროს წასვლა სამსახურის საქმეებზე, ავადმყოფობისა ან სხვა საპატიო მიზეზის გამო დასაშვებია მხოლოდ საბავშვო სახლის დირექტორის ნებართვით. ამ შემთხვევაში თითოეული თანამშრომელი, აგრეთვე თვით დირექტორი, ვალდებულია სპეციალურად შემოღებულ რვეულში აღნიშნოს—სად წავიდა, რა საქმეზე და რა ხნით. დაბრუნებაც იმავე რვეულში აღინიშნება მოსვლისთანავე.

29. თუ თანამშრომელი სამუშაოზე ვერ გამოცხადდება საპატიო მიზეზის გამო, ის ვალდებულია ამის შესახებ თავის დროზე აცნობოს ადმინისტრაციას, შემდეგ კი წარუდგინოს მას გასამართლებელი საბუთები (ბიულეტენი ან სხვა).

30. მუშაობის ცხრილის ან ერთი თანამშრომლის მეორეთი დროებით შეცვლა დაუშვებელია საბავშვო სახლის დირექტორის ან მისი არ ყოფნის დროს მისი მოადგილის ნებართვის გარეშე.

31. საბავშვო სახლის დირექტორი ვალდებულია საბავშვო სახლიდან ერთ დღეზე მეტი დროით წასვლის შემთხვევაში ნებართვა მიიღოს საქ. სსრ განსახკომის საბავშვო სახლებისა და სპეცკოლების სამმართველოდან.

32. სამუშაო დროს საზოგადოებრივი მუშაობის, კრების, თათბირის და სხვ. ჩატარება დაუშვებელია.

33. საბავშვო სახლის თითოეული თანამშრომელი ვალდებულია მზრუნველობით მოეპყრას სახლის ქონებას და დაუყოვნებლივ აცნობოს ადმინისტრაციას ქონების განიავების, დამტკრევა-გაფუჭების ან დაკარგვის შესახებ.

ქონებისადმი დაუდევრად მოპყრობისათვის დამნაშავე პასუხს აგებს სახელმწიფო საკუთრების დაცვის შესახებ არსებული კანონის თანახმად.

საბავშვო სახლის მუშაკს არა აქვს უფლება თავისი საჭიროებისათვის გამოიყენოს სახლის ქონება.

34. საბავშვო სახლის მთელმა ტექნიკურმა პერსონალმა სისტემატურად უნდა გაიაროს საექიმო შემოწმება.

35. საბავშვო სახლის მუშაკებს ადმინისტრაცია ვერავითარ შემთხვევაში ვერ გამოიყენებს პირადი საჭიროებისათვის, პირადი დავალების შესასრულებლად, აგრეთვე ისეთი სამუშაოს შესასრულებლად, რაც თანამშრომლის პირდაპირ სამსახურებრივ მოვალეობას არ წარმოადგენს.

36. საბავშვო სახლის მუშაკები ვალდებულნი არიან სისტემატურად აიმაღლონ თავიანთი კვალიფიკაცია, რისთვისაც საბავშვო სახლის დირექტორმა უნდა უზრუნველყოს სათანადო პირობები.

37. საბავშვო სახლის ადმინისტრაცია ვალდებულია თანამშრომლებს შეუქმნას ნორმალური პირობები მუშაობისათვის, შენობა იქონიოს სუფთად, უზრუნველჰყოს ნორმალური ტემპერატურა შენობაში, თანამშრომელთა ზედა ტანსაცმელის დაცვა-შენახვა და სხვა.

38. საბავშვო სახლის დირექტორი და პროფკავშირის ადგილობრივი კომიტეტი ვალდებულია არიან გულისხმიერად მოეპყრან თანამშრომელთა ყოველდღიურ მოთხოვნილებას, მიიღონ ზომები თანამშრომელთა უზრუნველსაყოფად ბინებით და სათბობი მასალით, უზრუნველჰყონ კვების ორგანიზაცია (განსაკუთრებით სოფლად), იზრუნონ მათ დასვენებაზე, მკურნალობაზე და სხვა.

IV. საბავშვო სახლის დირექტორი

39. საბავშვო სახლის დირექტორად დაინიშნება ის პირი, რომელსაც მიღებული აქვს არა ნაკლები საშუალო-პედაგოგიური განათლებისა, პედსტაჟით არა ნაკლები სამი წლისა.

40. საბავშვო სახლის დირექტორი ერთმართველობის საფუძველზე ხელმძღვანელობს საბავშვო სახლის მთელ საქმიანობას და სრული პასუხისმგებელია როგორც სასწავლო-აღმზრდელობითი, ისე ადმინისტრატიულ-სამეურნეო მუშაობისათვის. ამისდამიხედვით საბავშვო სახლის დირექტორს ეკისრება:

ა) უხელმძღვანელოს აღმზრდელთა ყოველდღიურ მუშაობას და განახორციელოს მათი სამუშაო გეგმების სისტემატური კონტროლი და შემოწმება;

ბ) უხელმძღვანელოს საბავშვო სახლის პედსაბჭოსა და ბავშვთა საბჭოს;

გ) განახორციელოს ღონისძიებანი პედაგოგთა კვალიფიკაციის ასამაღლებლად;

დ) დააკომპლექტოს საბავშვო სახლი ტექნიკურ მუშაკთა პერსონალით;

ე) იზრუნოს ასაკგადაცილებულ აღსაზრდელთა სასწავლებლებსა და წარმოებებში ორგანიზებულად მოწყობაზე. კავშირი დაამყაროს გამოშვებულ აღსაზრდელებთან;

ვ) შეადგინოს და ცხოვრებაში გაატაროს საბავშვო სახლის სასწავლო-სააღმზრდელო და სამეურნეო მუშაობის წლიური გეგმა, დაამტკიცოს საბავშვო სახლის მუშაკთა მეოთხედური გეგმები, და ამ უკანასკნელის საფუძველზე იქონიოს დირექტორის მუშაობის მეოთხედური გეგმა;

ზ) როგორც კრედიტების განმკარგულებელმა უხელმძღვანელოს სახსრების ხარჯვას ხარჯთაღრიცხვის მიხედვით და უზრუნველჰყოს შენობათა დროული რემონტი, ავეჯის, ჭურჭლის, საწოლების, ტანსაცმელ-ფეხსაცმელისა და სასწავლო ნივთების შეძენა. უზრუნველჰყოს საბავშვო სახლი სათბობი მასალითა და განათებით, განახორციელოს ხანძრის საწინააღმდეგო ღონისძიებანი;

თ) იზრუნოს ბავშვთა დროულ და მაღალხარისხოვან კვებაზე, ბავშვთა ჯანმრთელობის დაცვა-განმტკიცებაზე;

ი) სისტემატური კავშირი დაამყაროს იმ სკოლასთან, რომელშიც საბავშვო სახლის ბავშვები სწავლობენ და მონაწილეობა მიიღოს სკოლის პედსაბჭოს მუშაობაში;

კ) დაუკავშირდეს ადგილობრივ საბჭოთა, პარტიულ და საზოგადოებრივ ორგანიზაციებს საბავშვო სახლის ყველა საკითხზე;

41. საბავშვო სახლის დირექტორი თავის მუშაობაში ხელმძღვანელობს პარტიისა და შთაფრობის გადაწყვეტილებებით ბავშვთა აღზრდისა და სწავლის საკითხებზე, საბავშვო სახლის დებულებით და საქ. სსრ ხანსახკომის ინსტრუქციულ-მეთოდური მითითებებით.

42. საბავშვო სახლის დირექტორის სამუშაო დღე არანორმირებულია. მისი შვებულების ხანგრძლივობა 36 სამუშაო დღით განისაზღვრება.

V. დირექტორის მოადგილე სასწავლო-სააღმზრდელო დარგში

43. დირექტორის მოადგილე სასწავლო-სააღმზრდელო დარგში შეიძლება დაინიშნოს ისეთი პირი, რომელსაც აქვს არა ნაკლებ საშუალო პედაგოგიური განათლებისა და პედსტაჟი არა ნაკლებ სამი წლისა.

44. საბავშვო სახლის დირექტორის მოადგილე სასწავლო-სააღმზრდელო დარგში დირექტორის წინაშე პასუხისმგებელია მთელი სასწავლო-სააღმზრდელო მუშაობის სწორი ორგანიზაციისათვის.

45. დირექტორის მოადგილე სასწავლო-სააღმზრდელო დარგში ვალდებულია:

ა) სისტემატური ინსტრუქტაჟი გაუწიოს აღმზრდელებს და შეამოწმოს მათი მუშაობა, რისთვისაც ის ესწრება ყველა სახის მეცადინეობას, ამოწმებს ბავშვებთან მუშაობას საშინაო დავალებების შესრულებაზე, ამოწმებს სააღმზრდელო ჯგუფის ჟურნალებს და აღმზრდელთა მეოთხედურ და დღიურ გეგმებს, აღსაზრდელთა ნამუშევრებს და სხვა;

ბ) სისტემატურად აღრიცხოს აღსაზრდელთა სასკოლო მოსწრება და კავშირი დამყაროს იმ სკოლასთან, რომელშიც საბავშვო სახლის ბავშვები სწავლობენ, მონაწილეობა მიიღოს სკოლის პედსაბჭოს მუშაობაში;

გ) შეადგინოს საბავშვო სახლის სასწავლო-სააღმზრდელი მუშაობის ცხრილი სასწავლო წლის მეოთხედების მიხედვით და წარუდგინოს დირექტორს დასამტკიცებლად;

დ) მოაწესრიგოს საბავშვო სახლის მეთოდური მუშაობა, შერჩევა, აღრიცხვა, განაწილება და შენახვა სასწავლო ნივთებისა, მეთოდური მასალებისა და სასწავლო მეთოდური ლიტერატურისა;

ე) უხელმძღვანელოს კულტურულ-მასობრივ მუშაობას ბავშვებთან (სამხედრო-თავდაცვითი და ბავშვთა სხვადასხვა ორგანიზაციების მუშაობას);

ვ) მოაწესრიგოს აღსაზრდელთა მოძრაობის აღრიცხვის საქმე საბავშვო სახლში და განსაკუთრებული ხელმძღვანელობა გაუწიოს ახლად მოსულ აღსაზრდელის საბავშვო სახლის ცხოვრებაში ჩაბმის საქმეს;

ზ) უხელმძღვანელოს ბავშვთა პირადი საქმეების სწორ წარმოებას;

თ) იქონიოს დირექტორის მიერ დამტკიცებული მეოთხედური მუშაობის გეგმა, შედგენილი საბავშვო სახლის წლიური სასწავლო-სააღმზრდელი გეგმის საფუძველზე;

ი) დირექტორის მოადგილის (სასწავლო-სააღმზრდელი დარგში) სამუშაო დღე არანორმირებულია.

VI. საბავშვო სახლის აღმზრდელი

46. საბავშვო სახლის აღმზრდელად დაინიშნება ის პირი, რომელსაც მიღებული აქვს საშუალო პედაგოგიური განათლება.

47. საბავშვო სახლის აღმზრდელი ატარებს სასწავლო სააღმზრდელი მუშაობას ბავშვებთან, ზრუნავს მათი ჯანმრთელობისათვის და ყოველმხრივ განვითარებაზე კომუნისტური აღზრდის ამოცანების შესაბამისად.

აღმზრდელი ვალდებულია:

ა) პასუხი აგოს სასწავლო-სააღმზრდელი მუშაობისათვის მასზე ჩაბარებულ ბავშვთა სააღმზრდელი ჯგუფში. ყოველმხრივ შეისწავლოს თავისი ჯგუფის თითოეული ბავშვი, მზრუნველობითა და ყურადღებით მოეპყრას ბავშვებს და პასუხი აგოს საბავშვო სახ-

ლიდან აღსაზრდელთა გაპარვისათვის, მათი სიცოცხლისა და ჯანმრთელობის დაცვისათვის;

ბ) სისტემატურად უხელმძღვანელოს ბავშვების მუშაობას საშინაო დავალებების შესრულებაზე, იმუშაოს ჩამორჩენილობის თავიდან ასაცილებლად და აწარმოოს დამატებითი სასწავლო მეცადინეობა ჩამორჩენილობის ლიკვიდაციისათვის, ასწავლოს ბავშვებს გაკვეთილების დამოუკიდებლად დამზადება, სახელმძღვანელოებზე მუშაობა, წიგნისა და სასწავლო ნივთებისადმი წესიერი მოპყრობა, დღიურების სუფთად წარმოება და რვეულების სუფთად შენახვა;

გ) აწარმოოს სკოლის გარეშე მუშაობა თავისი სააღმზრდელო ჯგუფის ბავშვებთან—კლასგარეშე კითხვა, თხრობა, ექსკურსია, სეირნობა, თამაში და სხვა სახის მასობრივი და საწრეო მუშაობა;

დ) დაამყაროს მუდმივი კავშირი კლასის ხელმძღვანელებთან და სკოლის მასწავლებლებთან;

ე) ყოველდღიურად იმუშაოს ჩაბარებულ ბავშვების პოლიტიკურ აღზრდაზე;

ვ) უხელმძღვანელოს ბავშვთა თვითმომსახურეობით მუშაობას, ბავშვებში დანერგოს სანიტჰიგიენური ჩვევები და განამტკიცოს სოციალისტური საკუთრების დაცვისადმი მზრუნველობა;

ზ) უზრუნველჰყოს სათანადო ყურადღება, როდესაც ბავშვები თამაშობენ;

თ) შეადგინოს ბავშვებთან მუშაობის გეგმები და ჩატარებული მუშაობის ანგარიში, აიმაღლოს თავისი პოლიტიკური და პედაგოგიური კვალიფიკაცია;

ი) საბავშვო სახლში მორიგეობის დროს აღმზრდელი ვალდებულია;

კ) მორიგეობის შედგომისას ჩაიბაროს საბავშვო სახლის დღიური და აღნიშნოს შიგ საბავშვო სახლისა და აღსაზრდელთა ჩაბარება ხელის მოწერით;

ლ) პასუხი აგოს საბავშვო სახლის ქონების დაცვაზე და აღსაზრდელთა რაოდენობაზე;

მ) თვალყური ადევნოს საბავშვო სახლში დღის რეჟიმის ზუსტად გატარებასა და თანამშრომელთა და აღსაზრდელთა საქმიანობას;

ნ) აწარმოოს საბავშვო სახლის დღიური და შეიტანოს შიგ მისი მორიგეობის დროს მომხდარი არსებითი ხასიათის ცვლილებები საბ. სახლში, როგორც შეიძლება იყოს, მაგ. დღის რეჟიმის ჩაშლა, თანამშრომელთა და აღსაზრდელთა შინაგანაწესის დარღვევა, აღსაზრდელთა გაპარვა და ავადმყოფობა, საბავშვო სახლის ქონების გაფუჭება, დეკარგვა და სხვა ასეთები.

შენიშვნები ჩაწეროს დღიურში სუჟთად და გარკვევით და მო-
რიგების გადაბარებისას მოაწეროს ხელი გადაბარებაზე.

48. პიონერ-ხელმძღვანელი პასუხისმგებელია პიონერ-რაზმის
მუშაობისათვის საბავშვო სახლში. აქტიურად მონაწილეობს საბ.
სახლის მთელ პოლიტიკურდღეობით მუშაობაში, მუშაობას აწარ-
მოებს ალკკ ცენტრალური კომიტეტის მითითებათა საფუძველზე,
თავის სამუშაო გეგმას დასამტკიცებლად უდგენს საბავშვო სახლის
დირექტორს. ატარებს ბავშვებთან მუშაობას საბავშვო სახლში და
მის გარეთ. პიონერ-ხელმძღვანელი ვალდებულია დაიცავს საბავშვო
სახლში შემოღებული შინაგანაწესი.

პიონერ-ხელმძღვანელის სამუშაო დღე 8 საათით განისაზღვრება,
მისი შევებულების ხანგრძლივობა განისაზღვრება 36 სამუშაო დღით.

VII. შრომის ინსტრუქტორი

49. შრომის ინსტრუქტორი ვალდებულია:

ა) არსებული პროგრამების მიხედვით სისტემატურად ჩაატაროს
თეორიული და პრაქტიკული მეცადინეობა სასწავლო სახელოსნოში;

ბ) იქონიოს სამუშაო გეგმები, წლიური და მეოთხედების მიხე-
დვით შედგენილი, აწარმოოს მიმდინარე აღრიცხვა, შეაფასოს აღ-
საზრდელის მუშაობა, შეადგინოს ანგარიში თავისი მუშაობის შე-
სახება;

გ) მუშაობის დასაწყებად მოამზადოს დაზგები, მოწყობილობა,
სამუშაო ადგილები, მოსწავლეები უზრუნველჰყოს ნახაზებითა და
ინსტრუქციული რუკებით, საბავშვო სახლის ადმინისტრაციას თავის
დროს წარუდგინოს განაცხადები სახელოსნოსათვის საჭირო მასა-
ლებისა და ხელსაწყოებზე;

დ) თვალყური ადევნოს მოსწავლეთა სამუშაო ადგილების მდგო-
მარეობას, მოწყობილობას, ხელსაწყოებს და პასუხი აგოს მათი მოვ-
ლა-დაცვისათვის;

ე) უზრუნველჰყოს შრომის დისციპლინა ბავშვთა შორის, რო-
გორც მეცადინეობის, ისე დასვენების დროს;

ვ) მონაწილეობა მიიღოს საბავშვო სახლის პედსაბჭოს მუშაო-
ბაში;

ზ) წარადგინოს ცნობები დახარჯული მასალის რაოდენობაზე,
დახარჯული სამუშაო დროზე და პასუხი აგოს მოსწავლეთა მიერ
სამუშაოს დროულად შესრულებისათვის პროგრამით გათვალისწინე-
ბული საათების მიხედვით.

50. შრომის ინსტრუქტორის მუშაობის ნორმა დღეში 8-საათია, მისი შვებულების ხანგრძლივობა 36 სამუშაო დღით განისაზღვრება.

51. წრის ხელმძღვანელი ვალდებულია:

ა) იქონიოს მტკიცე სია წრის წევრებისა და მუშაობის ყოველდღიური და მეოთხედური გეგმები;

ბ) აწარმოოს სისტემატური და ნაყოფიერი მუშაობა არსებული გეგმის მიხედვით;

გ) აწარმოოს როგორც მიმდინარე, ისე მეოთხედური აღრიცხვა-საწრეო მუშაობისა.

VIII. ექიმი

52. ექიმს ევალება:

ა) ბავშვთა საექიმო შემოწმება წელიწადში 2-ჯერ და საამისო ჟურნალის წარმოება, მედსანიტარული რუკის შედგენა თითოეულ ბავშვზე;

ბ) ბავშვთა ჯანმრთელობის მდგომარეობის სისტემატური კონტროლი (ბავშვების გასინჯვა რეგულარულად, აწონა და სხვა);

გ) საბავშვო სახლის მუშაობის სანიტ-ჰიგიენური მდგომარეობისადმი თვალყურის დევნება და სათანადო ღონისძიებების დასახვა;

დ) საკვები პროდუქტების ხარისხის შემოწმება და მონაწილეობა მენიუს შედგენაში;

ე) პროფილაქტიურ ღონისძიებათა გატარება და სამკურნალო დახმარების გაწევა აღსაზრდელთათვის;

ვ) გამაჯანსაღებელ ღონისძიებათა ორგანიზაცია და სანიტ-საგანმანათლებლო მუშაობის წარმოება აღსაზრდელთა და საბავშვო სახლის პერსონალს შორის.

IX. ექთანნი

53. ექთანი მუშაობს ექიმის ხელმძღვანელობით. ექიმთან ერთად პასუხისმგებელია საბავშვო სახლისა და აღსაზრდელთა სანიტ-ჰიგიენური მდგომარეობისათვის. ექთანი მუშაობს საექიმო იზოლიატორში და ვალდებულია დაიცვას მასში წესრიგი და სისუფთავე და თვალყური ადევნოს რეჟიმის დაცვას ავადმყოფების მიერ.

ექთანი მოვალეა პირველი საექიმო დახმარება აღმოუჩინოს ბავშვებსა და საბავშვო სახლის თანამშრომლებს და იზრუნოს მედიკამენტებისა და შესახვევი მასალის შექმნაზე.

ექთანის მუშაობის ნორმა დღეში 6 საათია, შვებულების ხანგრძლივობა—12 სამუშაო დღით განისაზღვრება.

X. ლამის მოკრიბე

(აღმზრდელი სასკოლო ტიპის სახლში და ძიძა სკოლაბდელ საბავშვო სახლში)

54. ლამის მორიგე სრული პასუხისმგებელია ლამის განმავლობაში ბავშვთა საძინებელ ოთახებში და საბავშვო სახლის სხვა ოთახებში წესრიგის დაცვისათვის.

55. ლამის მორიგე ვალდებულია:

ა) მუშაობის დაწყებამდე მორიგე აღმზრდელისაგან ჩაიბაროს ბავშვები და სახლის ქონება. ყველაფერი რაც საჭიროა, შეიტანოს წიგნში გადამბარებლის თანდასწრებით და ხელი მოაწეროს მორიგეობის მიღების დროს აღმოჩენილ უწესრიგობის შესახებ, დაუყოვნებლივ აცნობოს საბავშვო სახლის დირექტორს ან მის მოადგილეს;

ბ) ლამის განმავლობაში თვალყური ადევნოს წესრიგს ბავშვთა საძინებელ ოთახებში, ნიშნის მიცემის შემდეგ დააწვინოს ბავშვები, არ დაუშვას მუსაიფი, ხმაური და უსაქმოდ გამოსვლა საძინებელ ოთახიდან;

გ) თვალყური ადევნოს განათებას საძინებელ ოთახებსა და სხვა შენობაში (საძინებელ ოთახებში—ლამის ნათურებია, დანარჩენ შენობებში—დაკლებული განათება), ტემპერატურას და ჰაერის სისუფთავეს, განსაკუთრებით იქ, სადა ცლუმელები ინთება. რომ თავიდან იქნას აცილებული მხუანი, საპირფარეშოში ბავშვები გაუშვას მხოლოდ სათანადოდ ჩაცმულები;

დ) ექიმის მითითების თანახმად თავის დროზე გააღვიძოს შარდის შეუკავებლობით დაავადებული ბავშვები, განსაკუთრებულად თვალყური ადევნოს ბავშვებს, რომლებსაც ცუდად სძინავთ (დღე-ბიან საწოლიდან, ბოდავენ და სხვა);

ე) იცოდეს ხანძრის საწინააღმდეგო წესები. საბავშვო სახლის მიერ შემუშავებული გეგმა—ხანძრის საწინააღმდეგო ღონისძიებანი, თვალყური ადევნოს მათ შესრულებას, იცოდეს ცეცხლმქრობის ხმარება, სახანძრო ნაწილის ტელეფონის ნომერი, ექიმის ტელეფონი ან მისამართი, აგრეთვე საბავშვო სახლის დირექტორის ან მისი მოადგილის ტელეფონი და მისამართი;

ვ) მორიგეობის დამთავრებისას ჩაიბაროს ბავშვები და ქონება მორიგე აღმზრდელს სამორიგეო წიგნში სათანადო ჩაწერის შეტანით.

ლამის მორიგის შვებულების ხანგრძლივობა 12.სამუშაო დღით განისაზღვრება.

XI. სამნეო ნაწილის ბამბე

56. სამნეო ნაწილის გამგეს ეკისრება საბავშვო სახლის მთელი სამნეო საქმიანობის წარმოება.

- ა) ინვენტარის შექმნა და შენახვა;
 - ბ) შენობის, ავეჯისა და სხვა ინვენტარის რემონტი;
 - გ) საბავშვო სახლის უზრუნველყოფა სურსათ-სანოვავით, ტანსაცმელ-ფეხსაცმელით, სათბობი მასალით, განათებითა და სახელოსნოებისათვის საჭირო მასალებით;
 - დ) ტექნიკური პერსონალის მუშაობის ორგანიზაცია და კონტროლი;
 - ე) პასუხისმგებლობა ქონების დაცვისათვის და ინვენტარის სწორად გამოყენებისათვის;
 - ვ) ხანძრის საწინააღმდეგო წესების დაცვა და სახანძრო ნაწილის მოთხოვნათა შესრულება;
 - ზ) პასუხისმგებლობა საბავშვო სახლის დამხმარე მეურნეობაში მუშაობის სათანადო წარმოებისათვის, სასოფლო-სამეურნეო იარაღებისა და სხვა ქონების დაცვისათვის, დამხმარე მეურნეობიდან მიღებული პროდუქტების სწორად განწილებისათვის.
57. სამნეო ნაწილის გამგის სამუშაო დღე არანორმირებული, შვებულების ხანგრძლივობა 12 სამუშაო დღით განისაზღვრება.

XII. ბუხჰალტერი

58. ბუხჰალტერი აწარმოებს საფინანსო-მატერიალურ ანგარიშგებას და დირექტორთან ერთად პასუხს აგებს ფულადი სახსრების სისწორით ხარჯვისა და მატერიალურ ფინანსიური ანგარიშგების საქმის მდგომარეობისათვის.

59. ბუხჰალტერის სამუშაო დღე არანორმირებულია, მისი შვებულების ხანგრძლივობა 12 სამუშაო დღით განისაზღვრება.

XIII. საწყობის ბამბე

60. საწყობის გამგე პასუხს აგებს ჩაბარებული საწყობის დაცვისათვის, საწყობის სანიტარული მდგომარეობისა და საწყობიდან ნივთის, საქონლის, სურსათ-სანოვავის, თეთრეულის, ტანსაცმელის, ფეხსაცმელის მოლიანობისა და გაცემის სისწორისათვის.

საწყობის გამგე ვალდებულია თავის დროზე აცნობოს საბავშვო სახლის დირექტორს ან სამნეო ნაწილის გამგეს საწყობის შვესების საჭიროების შესახებ სურსათ-სანოვავით ან სამრეწველო ნივთებით.

- ა) აწარმოოს საწყობის ქონების შემოსავალ-გასავლის წიგნი;

ბ) შეადგინოს და აწარმოოს არმატურული სიები, თითოეულ აღსაზრდელზე ცალ-ცალკე გამოყოს (დაშტამპოს) მათი თეთრეული, ტანსაცმელი, ფეხსაცმელი და არ დაუშვას შერეული ხმარება;

გ) გასარეცხად ჩააბაროს თეთრეული, ჩაიბაროს გარეცხილი და აწარმოოს გარეცხილისა და ჩაბარებულის აღრიცხვა;

დ) საბავშვო სახლის უვარგისი ქონების, მაგარი ინვენტარის, სამრეწველო საქონლის (თეთრეულის, ტანსაცმლის, ფეხსაცმლის ქვეშაგების და სხვ.) ჩამოწერა უნდა მოახდინოს სათანადო აქტის შედგენით, რომელსაც ხელს უნდა აწერდეს განათლების კომისარიატის წარმომადგენელი;

ე) მოეწყოს თეთრეულისა და ზედატანსაცმლის დროულად შეკეთება, დაუთავება და გაწმენდა.

თეთრეულის გამეგ მუშაობს დღეში რვა საათს, მისი შევებულების ხანგრძლივობა 12 სამუშაო დღით განისაზღვრება.

XIV. მზარეული

61. მზარეული პასუხისმგებელია საქმლის თავის დროზე და ხარისხიანად მომზადებისათვის, ექიმთან და მორიგე აღმზრდელთან ერთად მზარეული ადგენს მენიუს, — დებულობს საწყობიდან სურსათ-სანოვავს, აწარმოებს მათ აღრიცხვას, ხელმძღვანელობს და კონტროლს უწევს მომუშავეთა მუშაობას სამზარეულოში, პასუხისმგებელია სამზარეულოს ჭურჭლისა და მთელი სამზარეულო ინვენტარის სანიტარული მდგომარეობის უზრუნველყოფის საქმეში.

62. მზარეულის სამუშაო დღე განისაზღვრება 8 სათით, შევებულების ხანგრძლივობა კი 18 სამუშაო დღით.

XV. მზარეულის თანაშემწე

63. მზარეულის თანაშემწე ეხმარება მზარეულს საქმლის მომზადებაში, რეცხავს ჭურჭელს და აწესრიგებს სამზარეულოს, აწვდის საქმელს მორიგეებს, სცვლის მზარეულს გამოსასვლელ დღეებში.

მზარეულის თანაშემწის სამუშაო დღე რვა საათით განისაზღვრება, შევებულების ხანგრძლივობა კი — 12 სამუშაო დღით.

XVI. დამლაგებელი

64. დამლაგებელი პასუხისმგებელია საბავშვო სახლის შენობაში სისუფთავის დაცვისათვის, თავის დროზე მისი დამლაგებისათვის. დამლაგებელს მიაქვს საქმელი (ჯგუფების მიხედვით) და ეხმარება მის დარიცებაში სკოლამდელ საბავშვო სახლს, ალაგებს ჭურჭელს და მოაქვს გადაღულებული წყალი სასმელად. ბავშვების ადგომამდე ასუფთავებს პი-

რისაზნებს და ავსებს წყლით, და მთელ საბავშვო სახლში აღმზრ-
დელებს ეხმარება პატარა ბავშვების ჩაცმა-გახდაში, ამზადებს ლო-
ვინებს დაწოლის წინ და ალაგებს ადგომისას.

დამლაგებლის სამუშაო დღე რვა საათით განისაზღვრება, შვებუ-
ლების ხანგრძლივობა კი 12 სამუშაო დღით.

XVII. მ რ ე ც ხ ა მ ი

65. მრეცხავი ღებულობს გასარეცხ თეთრეულს, პასუხისმგე-
ბელია მისი ხარისხიანად გარეცხვასა, დაუთოვებისა და მთლიანობის
დაცვის საქმეში.

მრეცხავის სამუშაო დღე რვა საათით განისაზღვრება, შვებუ-
ლების ხანგრძლივობა 12 სამუშაო დღით.

XVIII. მ ე ე ზ ო ვ ე

66. მეეზოვე ვალდებულია სუფთად შეინახოს ეზო და ტროტუა-
რები, თვალყური ადევნოს სახურავების თავის დროზე ჩამოწმენდას,
სანაგვე ორმოებისა და სანაგვე ყუთების გაწმენდას, ჩაატაროს
ეზოს საპირფარეშოებზე დეზინფექცია. დაიცვას ეზოს სამეურნეო
ინვენტარი.

მეეზოვე მუშაობს დღეში რვა საათი. მისი შვებულების ხანგრძ-
ლივობა 12 სამუშაო დღით განისაზღვრება.

XIX. ღამის დარაჯი

(შეთავსებით მეეზოვე)

67. ღამის დარაჯი იცავს საბავშვო სახლს ღამის 23-საათიდან
შემდეგი დღის 7-საათამდე. მას არა აქვს დაძინების უკლება. ღამის
დარაჯი უზრუნველყოფილი უნდა იქნეს გამოსასვლელი დღით. მისი
შვებულების ხანგრძლივობა განისაზღვრება 12 სამუშაო დღით.

68. მეღუმელე ვალდებულია:

- ა) დაწესებულ დროისათვის ანთოს ღუმელები;
- ბ) ზუსტად დაიცვას წესი ღუმელების ანთებისა;
- გ) გაუწიოს სისტემატური მეთვალყურეობა ანთებულ ღუმელებს.

69. საბავშვო სახლის მუშაკებმა ხელფასი ეძლევა თვეში ორჯერ,
ხელფასი გაიცემა არასამუშაო საათებში. აღმინისტრაცია ვალდებუ-
ლია დაუყოვნებლივ გასცეს ხელფასი საბავშვო სახლში მუშაობის
დაწყებამდე ან მუშაობის დამთავრების შემდეგ.

XX. სასჯელი შინაგანაწილის დარღვევისათვის

70. შრომის დისციპლინის დაცვა და პასუხისმგებლობა წესების დარღვევის წინააღმდეგ სათანადო ზომების მიღებისათვის პერსონალურად ეკისრება საბავშვო სახლის დირექტორს, რომელსაც უფლება აქვს დაადოს სასჯელი არსებული კანონის მიხედვით დისციპლინის დამრღვევს.

71. შრომის დისციპლინის დარღვევისათვის მუშაკებს დაედებათ შემდეგი სასჯელი:

- ა) შენიშვნა;
- ბ) საყვედური;
- გ) სასტიკი საყვედური;

დ) სხვა სამუშაოზე დაბალი ხელფასით გადაყვანა ვადით 3-თვეზე ან დაბალ თანამდებობაზე ჩამოყენება;

- ე) დათხოვნა.

72. მუშაკს, რომელმაც დაუშვა სამუშაოზე დაგვიანება საპატიო მიზეზის უქონლად, რაც 20 წუთს არ აღემატება, ან ნაადრევად წავიდა სადილად, ან ნასადილევს დაგვიანებით მოვიდა, ან ნაადრევად წავიდა საბავშვო სახლიდან, ან უსაქმურობდა სამუშაო დროს, ადმინისტრაციის მიერ დაედება სასჯელი.

73. მუშაკი, რომელმაც ერთი თვის განმავლობაში დაუშვა სამი ასეთი დარღვევა, ან ოთხი დარღვევა ორი თვის განმავლობაში ზედიზედ (77), ან რომელმაც დაუშვა საპატიო მიზეზის უქონლად დაგვიანება 20 წუთზე ზევით, დაუყოვნებლივ მიეცემა პასუხისგებაში, სათანადო უბნის სახალხო სასამართლოზე გადაცემით.

თუ უნებართვოდ სამუშაო დასტოვა, ან საპატიო მიზეზის უქონლად სამუშაო გააცდინა, საბავშვო სახლის დირექტორის მოადგილემ, მასწავლებელმა ან სახლის სხვა მუშაკმა, [საბავშვო სახლის დირექტორი ვალდებულია დამნაშავეის სამართალში მიცემის მიზნით საქმე ყველა მასალით დაუყოვნებლივ გადაუგზავნოს სათანადო უბნის სახალხო სასამართლოს.

74. დისციპლინარული სასჯელის დადება ფორმდება ბრძანების წიგნში და სავალდებულოა თანამშრომელს ხელწერილქვეშ გამოეცხადოს დადგენილი სასჯელის შესახებ.

შენიშვნა: არ შეიძლება დისციპლინარული სასჯელის გამოტანა მომუშავეის დაუსწრებლად, საჭიროა მისი გამოძახება და ახსნა-განმარტების მოსმენა.

75. საბავშვო სახლის ადმინისტრატია სასჯელს ადებს წესების დარღვევის შემჩნევისთანავე, სასჯელის დადებამდე შრომის დისციპლინის დამრღვევს უნდა მოეთხოვოს ახსნა-განმარტება.

ადმინისტრაციის მიერ სასჯელის დადება არ დაიშვება, უკეთეს დანაშაულის გამომყვანების დღიდან განვლო ერთმა თვემ.

76. თუ სასჯელის—შენიშვნის, საყვედურის და სასტიკი საყვედურის დადების დღიდან ერთი წლის განმავლობაში მუშამ ან მოსამსახურემ არ დაუშვა შრომის დისციპლინის ახალი დარღვევა, საბავშვო სახლის დირექტორი ხსნის დადებულ სასჯელს.

თუ თანამშრომელმა არ დაუშვა შრომის დისციპლინის ახალი დარღვევა და თანაც თავი გამოიჩინა, როგორც კარგმა და კეთილსინდისიერმა მუშაკმა, მაშინ საბავშვო სახლის დირექტორს შეუძლია აღარ დაუცადოს ერთი წლის გაგლას და მოხსნას მის მიერ დადებული სასჯელი.

77. საბავშვო სახლის დირექტორის მიერ დადებული სასჯელი, შეიძლება გასაჩივრებულ იქნას მომუშავეის მიერ ადმინისტრაციული წესით ან შემფასებელ-საკონფლიქტო კომისიაში, ხოლო შეუთანხმებლობის შემთხვევაში სახალხო სასამართლოში.

78. შინაგანაწესის დარღვევისათვის ან სხვა მიზეზის გამო მომუშავეის დათხოვნის შემთხვევაში დათხოვნის ნამდვილი მიზეზი აუცილებლად შეიტანება მუშაკის შრომის წიგნაკში, რაც ფორმულირებულ უნდა იქნეს ზუსტად შრომის კანონთა კოდექსის შესაბამისად ან დათხოვნის საფუძვლად უნდა იქნას დასახელებული შრომის კანონთა კოდექსის სათანადო მუხლი და პუნქტი.

79. შრომის დისციპლინის განმტკიცებისათვის, აგრეთვე სამუშაოს გამცდენთა, ფრენიათა და დეზორგანიზატორთა წინააღმდეგ ზომების მიუღებლობისათვის დამნაშავენი საბავშვო სახლის დირექტორები მიეცემიან პასუხისგებაში სამსახურიდან მოხსნამდე და სასამართლოზე გადაცემამდე კი.

80. საბავშვო სახლის კუთვნილი ქონების მოპარვისათვის მუშაკი მიეცემა სასამართლოს პასუხისგებაში, რკ უმაღლეს საბჭოს პრეზიდიუმის 1939 წლის 10 აგვისტოს ბრძანებულებისა და სისხლის სამართლის კოდექსის შესაბამისად.

81. საბავშვო სახლში ხულიგნურ მოქმედებისათვის მუშაკი მიეცემა სასამართლოს პასუხისგებაში სსრკ უმაღლესი საბჭოს პრეზიდიუმის 1940 წლის 10 აგვისტოს ბრძანებულების და სისხლის სამართლის კოდექსის შესაბამისად.

განათლების სახალხო კომისი-
რიატის საბავშვო სახლებისა და
სპეც. სკოლების სამმართველოს

დაწყებითი და საშუალო სკოლე-
ბის მუშაკთა კავშირის ც. კო-
მიტეტის პმგ. მდივანი

უფროსი თ. ჭყონია.

3. კეფელაძე.

1945 წ.

„ვამტიკებ“
საქართველოს სსრ განათლების სახალ-
ხო კომისარი ვ. კუპრაძე. 1945 წ.
„13“ ივნისი

ი ნ ს ტ რ უ მ ც ი ა

სახელმწიფო პედაგოგიური სასწავლებლის დასაპროექტებელ
გამოცდების ექსტერნალ ჩაბარებისა და პედაგოგიური
შესახებ

§ 1

ექსტერნის წესით სახელმწიფო პედაგოგიური სასწავლებლის
ატესტატის მისაღებ გამოცდებზე დაიშვებიან 17 წელზე მეტი ასა-
კის პირნი, რომელთაც არა აქვთ დამთავრებული საშუალო პედაგო-
გიური სასწავლებელი და სურვილი აქვთ იმსწავლებლონ დაწყებით
სკოლაში.

შენიშვნა: ექსტერნის წესით გამოცდებზე არ შეიძლება დაშვე-
ლდნი იქნან ის პირნი, რომლებიც ამჟამად სწავლობენ პედსასწავლებლებ-
ში, საშუალო სკოლებში, ან სპეციალურ ტექნიკუმებსა და სასწავლებლებ-
ში.

§ 2

ის პირნი, რომლებიც ამჟამად მსწავლებლობენ, დამთავ-
რებული აქვთ საშუალო სკოლა, მაგრამ პედაგოგიური განათლება
არ მიუღიათ, გამოცდებს აბარებენ პედაგოგიკაში, ფსიქოლოგიაში
და მშობლიური ენის, რუსული ენის, ისტორიის, არითმეტიკის, გეო-
გრაფიისა და ბუნებისმეტყველების მეთოდოლოგიაში.

§ 3

ის პირნი, რომელთაც პედსასწავლებელი ან საშუალო სკოლა
არ დაუმთავრებიათ, ატესტატის მისაღებად გამოცდებს აბარებენ
ყველა დისციპლინაში, რომლებიც კი პედსასწავლებელში ისწავლება.

§ 4

ექსტერნების სახელმწიფო პედაგოგიურ სასწავლებლის ატეს-
ტატის მისაღებად გამოცდებს აბარებენ ქ. თბილისში, ბათუმში,
ქუთაისში, სოხუმში, მახარაძეში, ცხაკაიაში და სტალინირში.

§ 5

იმ პირთ, რომელთაც სურთ ექსტერნად ჩააბარონ გამოცდები სახელმწიფო პედაგოგიური სასწავლებლის ატესტატზე, ამის შესახებ განცხადება შეაქვთ არა უგვიანეს პირველ მაისისა საქართველოს სსრ განსახკომის დაწყებით და საშუალო სკოლის სამმართველოს პედაგოგიური სასწავლებლის სექტორში. განცხადებას თანდართული უნდა ჰქონდეს ავტობიოგრაფია, დაბადების მოწმობა, მოწმობა ან ცნობა განათლების შესახებ და ორი ფოტოსურათი, საექსტერნო გამოცდებზე მათი დაშვების საკითხს სწყვეტს საქართველოს სსრ განსახკომი.

§ 6

ექსტერნები გამოცდებს აბარებენ სსრ განსახკომის მიერ დამტკიცებულ საგამოცდო კომისიებს. ექსტერნების გამოცდები იწარმოებს პარალელურად უკანასკნელ კურსზე მიმდინარე გამოცდებისა; თუ აქსტერნთა რიცხვი 10-ზე ნაკლებია, მაშინ გამოცდების ჩაბარება წარმოებს დასამთავრებელ კურსთან ერთად იმავე საგამოცდო კომისიებში, ხოლო იმ საგნებში, რომელშიაც გამოცდები პედსასწავლებელში არ მიმდინარეობს, ეწყობა ცალკე გამოცდები ექსტერნებისათვის. ისეთ შემთხვევაში კი, როდესაც ექსტერნთა რიცხვი 10-ს აღემატება, — ექსტერნებისათვის სპეციალური კომისია იქმნება, კომისიას ამტკიცებს სსრ განსახკომი.

§ 7

გამოცდებზე დაშვებულმა ექსტერნმა, რომელიც ყველა საგანში აბარებს გამოცდას, უნდა შეიტანოს 200 მანეთი ერთდროულად, ვინც მხოლოდ პედიანიმუმს აბარებს ის იხდის 100 მანეთს.

გამოცდის გადასახადისაგან თავისუფლდებიან:

- ა) საბჭოთა კავშირის გმირები და მათი შვილები;
- ბ) სამამულო ომში დაღუპულ მებრძოლთა და პარტიზანთა შვილები;
- გ) სამამულო ომის ინვალიდები;
- დ) წითელი არმიის რიგითი და უმცროს მეთაურთა შემადგენლობის პირნი;
- ე) ინვალიდი პენსიონერები იმ შემთხვევაში, თუ პენსია, რომელსაც ისინი იღებენ, მათი არსებობის საშუალების ერთადერთ წყაროს წარმოადგენს.

§ 8

ექსტერნი, რომელიც გამოცდების დაწყებისათვის არ გამოცხადდა, ამ წელს გამოცდების ჩაბარების უფლებას კარგავს, ამასთანავე შეტანილი საფასური არ უბრუნდება.

§ 9

ცალკე დისციპლინებში გამოცდებისაგან თავისუფლდებიან ის ექსტერნები, რომლებიც წარმოდგენენ საბუთს იმის შესახებ, რომ მათ გავლილი აქვთ სრული კურსი ამ საგნებში და საბოლოო შეფასებით „3“-ზე ნაკლები ნიშანი არ აქვთ მიღებული, თუ ამის შემდეგ 5 წელზე მეტი არაა გავლილი.

§ 10

ყველა წერიტი და ზეპირი გამოცდების ჩატარების წესი, ექსტერნებისათვის წარსადგენი მოთხოვნები, აგრეთვე მათი ზეპირი პასუხებისა და წერიტი საგამოცდო ნამუშევრის შეფასება სახელმწიფო პედაგოგიურ სასწავლებელში გამოცდების ჩატარების შესახებ არსებული საერთო ინსტრუქციით განისაზღვრება.

§ 11

სახელმწიფო პედსასწავლებლის დასრულების ატესტატში, რომელიც ექსტერნებს ეძლევათ, იწერება სასწავლო გეგმით გათვალისწინებულ ყველა იმ საგანში მიღებული ნიშანი, რომელშიაც სწარმოებს გამოცდები ექსტერნებისათვის.

ის მასწავლებლები, რომლებიც მხოლოდ პედმინიმუმზე აბარებენ გამოცდებს, ღებულობენ მოწმობას შესაფერისი ნიშნებით მხოლოდ ჩაბარებულ დისციპლინებში.

შენიშვნა: იმ შემთხვევაში, თუ ექტერნი რომელიმე საგანში გამოცდებისაგან განთავისუფლებულია (§9 ამავე ინსტრუქციის), ატესტატში ნიშნები ამ საგანში შეტანილი უნდა იქნეს ექსტერნის მიერ განათლების შესახებ წარმოდგენილ საბუთის საფუძველზე.

§ 12

ექსტერნისათვის სახელმწიფო პედაგოგიური სასწავლებლის ატესტატის, ვინც პედმინიმუმს აბარებს, იმისათვის მოწმობის მიცემის საკითხს საბოლოოდ სწვევტს სსსრ განათლების სახალხო კომისარიატი.

§ 13

ექსტერნს, რომელმაც თუნდაც ერთ საგანში ვერ ჩააბარა გამოცდა, არავითარი საბუთი არ ეძლევა, ამასთან შეტანილი ფული არ უბრუნდება.

§ 14

ექსტერნები, რომელთაც ატესტატში ყველა სასწავლო საგანში აქვთ ნიშანი „5“ და სწავლის გაგრძელებას მოისურვებენ, გამოცდების ჩაუბარებლად შედიან უმაღლეს პედაგოგიურ სასწავლებელში (უნივერსიტეტში, პედაგოგიურ ინსტიტუტში და სამასწავლებლო ინსტიტუტში).

განსაკუთრებული ატესტატი უნაღღეს პედაგოგიურ სასწავლე-
ბელში უგამოცდოდ შესვლის უფლებებით, მხოლოდ იმ ექსტერნებს
მიეცემათ, რომელთა საგამოცდო წერიტი ნამუშევრები მშობლიურ
ენაში, რუსულ ენასა და ლიტერატურაში, და არითმეტიკაში განათ-
ლების კომისარიატის მიერ იქნება „5“-ზე შეფასებული.

§ 15

იმ პირობა ატესტატები, რომლებმაც ექსტერნად ჩააბარეს გა-
მოცდები, საერთო სარეგისტრაციო წიგნში ტარდება, რომელშიაც
გამოიყოფა ცალკე გვერდები სათაურით—„ექსტერნები“. აღინიშნე-
ბა წელი და რიცხვი ატესტატის გაცემის და ეწერება ექსტერნები-
სათვის გაცემული ატესტატის რიგითი №:

§ 16

ამავე წიგნში გამოიყოფა ცალკე გვერდები პედმინიმუმ ჩაბარებულ
პირებზე მოწმობის გაცემის შემთხვევებისათვის და მოწმობა ცალკე
№-ით აღინიშნება.

§ 17

ექსტერნებისათვის პედსასწავლებლის დამთავრების ატესტატის
და პედმინიმუმის მოწმობის გაცემის შემდეგ დგება ცალკე ანგარიში
საერთო ინსტრუქციით გათვალისწინებული წესით და ეგზავნება საქ-
სრ განათლების სახალხო კომისარიატს.

საქართველოს სსრ განათლების სახალხო კომისარიატის
დაწვებიდი და საშუალო სკოლის სამმართველოს
უფროსი უფ. ოზოლაძე.

სახელმწიფო პედსასწავლებლების სექტორის
უფროსი პრ. ჩაჩიბაია.

პ.მგ. რედაქტორი მ. ბუჩუქლაძე.



1 ბიჯი

65/5.

46-33/5

შეკ. № 222. ტირაჟი 3.000. უფ 00476. ხელმოწ. დასაბეჭდად 28/I-46 წ.

ლ. პ. ზერიას სახელობის პოლიგრაფკომბინატი, „კომუნისტი“, ლენინის ქ. № 28